

錦繡萬花谷別集

錦繡萬花谷別集卷之十六

少年顯達類

甘奇終賈

後漢胡廣上書曰甘奇顯用年垂強仕終賈擢聲亦在弱冠
註云秦甘羅年十二封上卿子奇年十八齊君使主東阿吏
阿大化終軍十八為諫大夫賈誼年十八為博士

年十二為上卿

史甘羅者甘茂孫也茂死後甘羅年十二事秦相文信侯呂
不韋秦封甘羅為上卿復以始甘茂田宅賜之太史公曰甘
羅年少出一奇計聲稱後世雖非篤行之君子然亦戰國之
策士也

雒陽年少

史賈生傳賈生名誼維陽人也年十八以能誦詩屬書聞於郡中吳廷尉爲河南守聞其秀才召置門下文帝初立開河南守吳公治平爲天下第一乃徵爲廷尉廷尉乃言賈生年少頗通諸子百家之書文帝召爲博士是時賈生年二十餘最爲少每詔令議下諸老先生不能言賈生盡爲之對文帝說之超遷一歲中至太中大夫

十二爲童子郎

魏司馬朗字伯達河內人十二試經爲童子郎監試者以其身軀壯大疑朗匿年朗曰朗之內外累世長大朗雖穉弱而無仰高之風損年以求早成非志所爲也監試異之

周郎

三國志周瑜字公瑾孫策授瑜建威中郎將即與兵二千人騎五十匹瑜時年二十四吳中皆呼爲周郎

富豪類

金允

東觀漢記郭況為鴻臚卿上數幸其第常賜金帛京師因號況家為金允

以田為業

漢張禹內殖貨財以田為業及富貴多買田至四百頃他財物稱是

谷量馬牛

西漢烏氏藏傳氏者畜牧及衆斥賣來奇物間獻我王因間隙私遺我王我王信其償予畜至用谷量馬牛

與千戶侯等

漢巴寡婦清傳陸地牧馬二百號古蹄字牛千蹄角百六十七頭牛則多蹄角九一千二也千足羊三百五十澤中

千足彘永居千石魚波讀曰波大言有波養魚正歲收千石
魚也山居千章之荻即楸樹也安邑千樹棗燕秦千樹栗蜀
漢江陵千樹橘淮北蔡南河濟之間千樹荻陳夏千畝黍齊
魯千畝黍麻渭川千畝竹及名園萬家之城帶郭千畝鍾之
田一鍾受六斛四斗一畝收種者九千畝也若千畝厄苣千
見反皆系劫千畦薑韭此其人皆與千戶侯等

比千乘之家

漢巴寡婦清傳通邑大都酤一歲千釀千瓮醖酒醢醬千塢
胡双反及長項嬰也漿千倍丁監反兩嬰也屠牛羊豕千皮穀
耀千鍾薪葉千車舡長十丈木千章竹竿萬个軺車百乘牛
車千兩車一乘曰一兩謂之兩者言車輪兩兩而輹木器衆
者千枚銅器千鈞素木鐵器若庖厨千石百二十斤爲石馬
蹄數千嘶江鈞反口也蹄与口共千則爲馬二百也牛千足

羊鼻千雙童手拍千則又百也筋用丹砂千片其帛絮細布
千鈞文采千匹各布皮華千石鹿重布也茶千大斗蘗麴鹽
豉千台鮓鱖千斤鮓音台黃才尔反一魚鯽鮑千鈞
二魚囊栗千石者二之三千石狐貂裘千皮羔裘千石旃席
千具它果采千種子貨金錢千貫節顯僧顯子即反僧子外
反會一家交易也顯者其首率也節謂節貴賤貪賈三之廉
賈五之貪賈未當賣而賣未當買而買故利多十得其五也亦比千乘之家
廉賈貴而乃賣賤乃買故利多十得其五也亦比千乘之家

丹穴

西漢史巴寡婦清其先得丹穴而擅其利數世家亦不訾丹
冊砂也山谷之穴出冊言子移反貧財无限數清寡婦能守
其業用財自衛人不敢犯始皇以為貞婦而客之為築女
清臺行索號曰清也

賞賜累千金

漢史丹兄嗣父爵為侯遂不受分丹盡得父財身又食大國邑重以舊恩數見褒賞賞賜累千金僮奴以百數後房妻妾數十人為奢淫好飲酒極滋味聲色之樂為將軍前後十六年永始中病乞骸骨歸第

斫薪得錢致富

元和初洛陽村百姓王清傭力得錢五緡因買田畔一枯栗樹為薪以求利經宿為鄰人盜斫創及腹忽有黑蛇牽首如臂久語曰我王清本也汝忽斫其人驚懼失斤而走及明王清率子孫薪之復掘其根根下得大瓮二散錢實之王清因是獲利而歸十餘年巨富遂斲錢形龍號王清本

酒囊飯袋

荆湖近事云馬氏李僭諸院王子業從烜赫文武之道未嘗

留意時謂之酒囊飯袋

田農而甲一州

漢宣曲任氏傳秦楊以田農而甲一州翁伯以販脂而傾縣
張氏以賣醬而隄貨氏以洒削而鼎食濁氏以胃脯而連
騎張里以馬鑿而擊鍾洒先札反濯也削先召反刀劍室也
謂人有刀劍削故惡者生爲洒削之

陶朱公

史越世家范蠡事越王勾踐竟滅吳報會稽之耻稱上將軍
范蠡以爲大名之下難久居乃裝其輕寶珠玉浮海出齊變
姓名自謂鴟夷子皮耕於海畔君無幾致產數千萬齊人聞
其賢以爲相范蠡嘆曰居家則致千金居官則致卿相此布
衣之極也久尊受名不祥乃歸相印盡散其財分與知交懷
其重寶間行以去止于陶以此爲天下之中通爲生自謂陶

朱公居無何致貨累巨萬故范蠡三徙成名於天下

獸炭

晉羊琇性豪侈費用無限屑炭和作獸形以溫酒豪貴效之

貴盛類

一門九侯

漢李尋說王根云將軍一門九侯二十朱輪漢興已來臣子貴盛未嘗至此

二相五侯

吳志陸凱字敬風吳人丞相遜族子孫皓時為丞相世說曰皓問凱卿一宗在朝有幾人荅曰二相五侯將軍十餘人皓曰盛哉凱曰君賢臣忠國之盛也父慈子孝家之盛也今政荒民散覆土是懼臣何敢言盛也

萬石君

漢石奮趙人孝文時官至太中大夫長子建次甲次乙次慶
皆以馴行孝謹官至二千石景帝曰石君及四子皆二千石
人臣尊寵孝集其門號爲萬石君

八子皆二千石

後漢馮勤曾祖楊宣帝時爲弘農太守有子八人皆爲二千
石趙魏間榮之

郭氏慶延于世

後漢郭躬傳郭氏自弘後數世皆傳法律子孫至公者一人
延尉七人侯者三人刺史侍中者二十餘人侍御史至監平
者甚衆史論曰法家之能慶延于世

衣繡夜行

漢朱買臣爲會稽太守上謂買臣曰富貴不歸故鄉如衣繡
夜行

六人至三品

唐崔鄭崔氏四世總族同慶兄弟六人至三品邠鄆凡爲禮部五吏部再唐興無有也

鳳閣王氏

唐王徽曾祖擇從昆弟四人曰易從朋從言從皆擢進士第至鳳閣舍人者三人故號鳳閣王氏自是訖太中時登進士者十八人位臺省牧守三十餘人徽有雅望拜宰相一日而京師亂故設施無足道者

三世中書

唐徐嶠字巨山父子相次爲孝士自祖及孫三世爲中書舍人

兩鳳連飛

北史崔懷弟仲文天保初懷爲侍中文仲爲銀青光祿大夫

同日受拜時云兩鳳連飛

鳳池麟閣

北史薛暕傳論曰李補該博文擅彫龍或揮翰鳳池或著書麟閣咸居祿位各逞琳琅

青紫盈庭

北史楊播傳論曰楊播兄弟俱以忠義謙謹荷內外之任公卿牧守榮赫累朝門生故吏遍於天下後魏以來一門而已諸子秀立青紫盈庭積善之慶蓋有憑也

士族之冠

唐史崔遠有文而風致整峻乾寧中昭宗拜相諸崔自咸通懿宗後歷臺閣藩鎮者數十人天下推士族之冠

一門三秀才

杜正倫隋世重李秀才天下十人而正倫一門三秀才皆高

第爲世歆羨

七葉重名

南史王筠傳與諸兄書論家門集云中傳稱安平崔氏及汝南應氏並累葉有文才所以范蔚宗云崔氏厥龍然不過父子兩三世耳非有七葉之中名重德光爵位相繼人人有集如吾門者也沈少傳約常語人云吾少好百家之言身爲四代之史自開闢以來未有爵位蟬聯文才相繼如王氏之盛也

四世同居

北史楊愔字遵彥一門四世同居家甚隆盛昆季就學者三十餘人

七世通顯

後漢應邵傳中興初有應姬者生四子而寡見神光照社試

探之乃得黃金自是諸子官奉並有才名至瑒七世通顯

七世內侍

前漢金日磾字翁叔夷狄士國驕貴漢庭而以篤敬悟主忠信自著勳功上將傳國後嗣世名忠孝七世內侍何其盛也

四世三公

魏袁紹高祖父安爲漢司徒自安以下四世居三公位勢傾天下

詩

貂蟬七葉想前人四世三公表一門虎步龍驤推替無瑤環
瑜珥見旁孫李端叔送曾端伯

先賤後貴類

尚有餘臭

南史到溉字茂灌歷御史中丞都官左戶二尚書掌吏部尚

書何欽安謂人曰到溉尚有餘臭既祖考之初以擔糞自給故世以爲譏

牛鑿子名重京師

通鑑沈約論曰太公起屠釣爲周師傳說去版築爲殷相明
敏幽仄唯才是與逮于二漢茲道未革胡廣累世農夫致位
公相黃憲牛衣之子名重京師

笑我微賤者來謁

李白贈從弟南平太守詩承恩初入銀臺門著書獨在金鑾
殿龍駒雕鏤白玉鞍象牀綺食黃金盤當時笑我微賤者却
來請謁爲交歡

飯牛車下

鄒陽書雍戚飯牛車下桓公任之以國註云桓公夜出迎客
甯戚擊牛角歌曰南山矸白石欄生不遭堯與舜禪位桓公

衣適至鼇從昏飯牛薄夜半長夜漫漫何時旦桓公召夷詒
說之以爲大夫 研与岸同鼇下諫反曼真幹反

蘭梨飯後鍾

接言云玉播少孤貧嘗客揚州木蘭院隨僧齋僧厭之播至
已飯矣後二紀來鎮是邦向題字已碧紗幕其上播作詩曰
二十年前此院遊木蘭花發院新修而今再到經行處樹老
無花僧白頭上堂已了各西東漸愧蘭梨飯後鍾二十年來
塵撲面如今始得碧紗籠

一悟主而車百乘

莊子列御寇宋人曹商者爲宋王使秦其往也得車數乘王
悅之益車百乘反於宋見莊子曰夫窮閭阨巷困窘織屨撝
項黃馘者商之所短也一悟萬乘之主而從車百乘者商之
所長也莊子曰秦王有病召醫破癰潰痤者得車一乘

者得車五乘所治愈下得車愈多子豈治其痔耶何得車之多也

養馬胡兒

漢金日磾字翁叔與母闕氏弟倫俱沒入宮輸黃門養馬時年十四矣久之武帝游宴見馬後宮滿側日磾牽馬入長八尺二寸容貌甚嚴馬入肥好上異而問之其以本狀對上奇焉即日賜湯沐衣冠拜爲馬監累迁光祿大夫日磾既親近貴戚多竊怨曰陛下妄得一胡兒反貴重之上聞愈厚焉

折脅捐齒

史范睢傳范睢字叔游家貧無以自資先事魏中大夫須賈須賈爲魏使齊范睢從齊襄王聞睢辯口使人賜睢金及牛酒睢謝不受須賈以爲睢持國陰事告齊歸告魏相魏齊魏齊怒使舍人笞擊睢折脅捐齒睢佯死即卷以簀置廁中睢

從簀中謂守者曰公能出我我厚謝公范雎得出更名姓曰張祿秦昭王使謁者王稽於魏張祿見王稽王稽知范雎賢載入秦王稽與范雎入咸陽秦昭王以傳車召范雎并爲客卿謀事即聽范雎乃拜爲相封爲應侯范雎既相秦虜曰張祿而魏不知魏聞秦東伐韓魏魏使須賈於秦范雎聞之微行敝衣間步之邸見須賈須賈驚曰范叔固無恙乎留與坐飲食曰范叔一寒如此哉乃取其一綈袍以賜之范雎爲須賈御入秦相府謂須賈曰我爲君先入須賈待門下良久問門下門下曰乃吾相張君也賈乃肉袒膝行謝罪雎曰公之所以得無死者以綈袍恋恋有故人之意故釋公

漢南一布衣

唐岑文本爲中書令或勸營產業文本歎曰吾漢南一布衣徒步入關所望不過秘書郎縣令耳今無汗馬勞以文墨位

宰相奉稍已重尚何殖產業邪

以權勢類

炙手可熱

唐崔鉉宣宗初進左僕射鉉所善者鄭魯楊紹復段瓌薛蒙
頗參議論時語曰鄭楊段薛炙手可熱欲得命通魯紹瓌蒙
帝聞之題於宸

權震天下

唐李宗閔等贊僧孺宗閔以方正敢言進既當國反奮私昵
黨排擊所憎是時權震天下指曰牛李牛僧孺李宗閔

八閔十六子

唐李藩去傳鄭注得幸於王守澄逢吉賂注結守澄爲與援
其黨有張又新李續張權輿劉栖楚李虞程昔範姜洽及訓
八人而傳會者又八人皆任要劇故號八閔十六子有所求

請先賂閔子後達於逢吉無不得所欲

牛頭阿旁

唐路巖與韋保衡當國二人勢動天下時目其黨爲牛頭阿旁言如鬼陰惡可畏也

錦繡萬花谷別集卷之十六

別集卷之十七

如燭之明

晉平公問於師曠曰吾年七十欲學恐已暮矣師曠曰何不炳燭乎平公曰安有爲人臣而戲其君乎師曠曰盲者安敢戲其君乎臣聞之少而好學如日出之陽壯而好學如日之光老而好學如炳燭之明炳燭之明孰與昧行乎平公曰善

編柳爲簡

楚國先賢傳孫敬字文寶入學編楊柳爲簡以寫經懸頭於果

截蒲爲牒

漢路溫舒字長君父爲里監門使牧羊溫舒取澤中蒲截以

爲牒編用寫書稍習善求爲獄小吏又受春秋通大義舉孝廉爲崑山宣帝時遷臨淮太守

問奇難字

唐曹憲太宗嘗讀書有奇難字輒遣使者問憲二具爲音註接驗詳複帝咨尚之

內聖外王

本朝明道訪康節歸謂周純明曰內聖外王之道也

心在天地先

本朝陳瑩中書康節之先天圖心法也其詩曰身在天地後心在天地先天地自我出自餘惡足言然則先天之孝以心爲本其在經世者康節之餘事耳

顏狀未離嬰孩

有對司馬溫公論性極口不已公斥之曰顏狀未離於嬰孩

高談已及於性命

猶航斷港

韓文學者必謹其所道道於楊墨老莊佛之學而欲之聖人之道猶航斷港絕潢以望至於海也

盤旋周孔庭宇

後漢蔡邕釋誨騁馳乎典籍之崇塗休息乎仁義之淵藪盤旋乎周孔之庭宇揖儒墨而與爲友舒之足以光四表收之則莫知其所有

。文章類

庾體

周書庾信字子山有盛才文章綺艷爲世人所尚謂之庾體宿宰後生竟相模範又杜詩云庾信文章老更成凌雲健筆意縱橫

翡翠蘭石

杜詩或看翡翠蘭石上未掣鯨魚碧海中註云言今之爲文者止得小成而已

機杼一家

北史祖瑩以文學見重常語人云文章須自出機杼成一家筋骨何能共人同生活也蓋譏世人好切它文以爲已用

握珠抱玉

魏曹植與楊脩書曰今世作者可畧而言仲宣獨步於漢南北璋鷹揚於河朔偉長擅名於青土公幹振藻於海隅德璉發迹於大魏足下高視於上京當此之時人人自謂握珠抱玉之家自謂抱荆山之玉也

玄圃積玉

晉陸機天才秀逸倕倬宏麗張華嘗謂之曰人之爲文章機

才少而子更患其多後惡葛洪著書稱機文猶玄圃積玉無
非夜光焉五河之吐流泉源如一焉其弘麗妍贍英銳傑逸
亦一代之絕乎

按犀角擢象齒

唐舒元興大和中獻文闕下不得報上書自言漢主父偃徐
樂嚴安以布衣上書朝奏暮召臣所上八萬言其文鍛煉精
粹出入今古數百年披剔剖抉有可以輔教化者未始遺按
犀之角擢象之齒豈主父等可比哉文宗得書示宰相李宗
閔以浮躁誕肆不可用時李訓與元興善及訓用事拜左
司郎中

疾行無善迹

杜詩註引西京雜記云枚乘文章敏疾長卿制作淹遲皆盡
一時之譽長卿首尾溫麗枚乘時有累句故知疾行無善迹

矣

劉岳賈短曹劉

杜壯遊詩氣劉岳賈壘日短曹劉墻

馳屈宋鞭揚馬

李翰林草堂集序馳驅屈宋鞭撻揚馬千載獨步唯公一人

一掃素壁

王子敬過戴安道草堂飲安道求子敬文子敬擦臂大言曰我辭翰雖不如古人與君一掃素壁見杜詩蘇註

古戰場文

唐李華作含元殿賦成以示蕭穎士穎士曰景福之上靈光之下華文辭綿麗少宏傑氣穎士健爽自肆而華自疑過之因著乎古戰場文極思研推已成汗為故書雜置焚書之皮君竊反問也他日與穎士讀之稱工華問今誰可及穎士曰

君加精思便能至矣華楞然而服

呼阮籍爲老兵

據言云皇甫湜與李生書曰近風偷薄進士尤甚詩未有劉
長卿一句已呼阮籍爲老兵矣筆語未有駱賓王一字已罵
宋玉爲罪人矣

三豪

石守道詩序云東坡嘗云守道作三豪詩云曼卿豪於詩永
叔豪於文杜師雄豪於歌永叔亦贈默云贈之三豪詩而我
濫一名默有歌云學海波中老龍聖人門前大虫皆此等語
永叔不欲嘲笑之惡其爭名且爲之諱也默杜師雄也

詩

周詩三百篇麗雅理訓誥曾經聖人手議論安敢到五言出
漢時蘇李首更號東都漸瀟漫派別百川導建安能者七卓

學凌風操凌迤抵晉宋氣象日凋耗中間數飽計比近景清
興齊梁及陳隋衆作等蟬噪搜春摘花卉公襲傷票盜國朝
盛文章子昂始高蹈勃興得李杜萬類困陵暴後來相繼生
亦各臻閭隩有窮者孟郊受材實雄鰲其觀洞古今象外逐
幽好橫空盤硬語妥帖力排界數柔肆行餘奮猛卷海潦榮
華肖天秀捷疾愈響報韓愈高議參造化清文煥皇猷
清墨宸舊史磨丹注前經義死手秘寶文堂耳驚霆文章
自娛戲金石日擊撞龍文百斛鼎筆力獨可矜往歲戰詞
賦不將勢力隨下驢入省門左右驚分披傲兀坐談席深養
見孤罷文如翻水成初不用意爲四座各低面不敢接面覩
升階揖侍郎歸舍日未歇佳句喧衆口考官敢瑕疵連年收
科策若摘頤底髭並韓愈

黃金不如一經

漢韋賢字長孺四子少子玄成復以明經歷位至丞相鄉鄰
誡曰遺子黃金滿籬不如一經

解經不窮

後漢戴憑字次仲正旦朝賀帝令群臣能說經者更相難詰
義有不通輒奪其席以益通者憑遂重坐五十餘席京師爲
之語曰解經不窮戴侍中

崔日用請北面

唐武平一博學通春秋爲脩文館學士初崔日用自言明左
氏春秋諸侯官族他日學士大集日用折平一曰君文章固
耐久若言經則敗績矣時崔湜等素知平一該習勸令酬詰
平一條率始末無留語日用曰吾請北面闔坐大笑

生徒立頌

唐楊賜字珣先爲國子祭酒奏有司帖試明經不質大義乃
取年頭月尾孤經絕句且令習春秋三家禮儀者纔十二悉
請家廢無日請帖平文以存學家其能通者稍加優官獎孤
學從之生徒爲賜立頌太學門

一經談百餘萬言

漢房鳳贊曰自武帝立五經博士開弟子員設科射策勸以
官祿訖於元始百有餘年傳業者浸盛支葉蕃滋一經談至
百餘萬言大師衆至千餘人孟祿利之路然也

操吾矛以伐我

漢鄭玄字康成仕城何休好公羊學遂著公羊墨守左氏膏
肅穀梁廢疾玄乃發墨守鍼膏首起廢疾休見而嘆曰康成
入吾室操吾矛以伐我乎

發冢得考工記

南史有盜發古墓者相傳云是楚王冢大獲寶物玉履玉屏
風竹簡書青絲綸簡廣數分長二尺皮節如新有得十餘簡
以示僧虔云是科斗書考工記周官所闕文

子學類

讀老子辭憲官

唐郭翰常爲御史讀老子至和其光同其塵慨然曰大雅若
子以保其身乃辭憲官

列子號道家

劉向進列子表其學本於黃帝老子號曰道家秉要執本清
虛無爲

六籍奴婢

賈氏談錄云劉蕡讀文中子曰才非殆庶擬上聖述作或問
於六籍如何曰猶奴婢之於郎主後遂以文中子爲六籍奴婢

言語類

旬月封侯

前車千秋以一言寤意旬月取宰相封侯

如鋸木屑

晉胡毋輔之字彥國王澄嘗與人書曰彥國吐佳言如鋸木屑霏霏不絕

訂千金

太宗報書李太亮曰古人以一言之重訂千金

齊侯省刑

左仁人之言其利博哉晏子一言而齊侯省刑

三寸舌

前張良傳吾以三寸舌為帝者師又酈食其持三寸舌下齊七十餘城

纒又令人忘倦

唐馬周論事會文切理聽之纒々令人忘倦

樂於鍾鼓琴瑟

荀非相篇贈人以言重於金石珠玉觀人以言美於黼黻文章聽人之言樂於鍾鼓琴瑟君子之於言無厭

談數

晉裴頠傳樂廣嘗與裴頠清言欲以理服之頠辭論豐博廣笑而不言時謂頠爲言談之數

歌頌類

韓娥歌

韓娥過宋宋人辱之娥曼聲而哭長幼皆泣下宋人謝之娥乃曼聲而歌老幼皆喜躍

歌吳趣

吳趣行云楚妃且莫歎齊娥且莫謳四坐並清聽我歌
吳趣吳趣自有始請從闔門起門起何峨峨孔閣跨通波重
樂永游極迴軒啓曲阿藹二慶雲被冷二祥風過云云此吳
人歌其土風也

掩淚聽君歌

李白夜坐吟冰合井泉月入閨金缸青凝照悲啼金缸滅啼
轉多掩妾淚聽君歌歌有聲妾有情情聲合兩無違一語不
入意從君萬曲梁塵飛

河清頌

元嘉中河清俱清鮑照爲河清頌又杜詩云詞人解撰河清
頌

連梁三日不絕

列湯問篇昔韓娥之齊置糧過雍門鬻歌假食而去餘音遶

梁三日不絕

聲滿天地

莊遜王葛曹子君衛三日不率火十年不製衣正冠而纓絕
捉衿而肘見納屨而踵曳縱而歌商頌聲滿天地若出金
石

擊牛角

淮泰族訓審戚欲干齊威公窮困無以自達於是爲商旅將
車以適齊魯於郭門飯牛車下望見威公乃擊牛角而疾歌
威公聞之異哉歌者非常人也命後車載之

沛中歌

前高帝紀十二年上還過沛留置酒沛宮悉召故人父老子
弟佐酒發沛中兒得百二十人教之歌酒酣上擊筑自歌曰
大風起兮雲飛揚威加海內兮歸故鄉安得猛士兮守四方

令兒皆和習之

鴻鵠高飛

張良傳上召戚夫人曰爲我楚舞吾爲若楚歌歌曰鴻鵠高飛一舉千里羽翼已就橫絕四海橫絕四海又可奈何雖有繒繳尚安所施

談笑類

弄手揶揄

後王郎反世祖令王霸於市募人霸至市人皆弄手揶揄笑之霸慚而反

齟齬

後梁襄妻孫壽能作齟齬笑以爲媚惑

笑疾

晉書陸機有笑疾見張華以錦囊盛頭大笑不止

掩口盧胡

閔子宋之愚人得燕石以爲大寶周客觀焉掩口盧胡而笑
曰此燕石也與礫不殊

拍手

李白歌襄陽小兒齊拍手攔街爭唱白銅鞮傍人借問笑何
事笑殺山翁醉似泥

錦繡萬花谷別集卷之十八

今隱逸類

淵潛山棲

漢崔駰達官解士或掩目而淵潛或盟耳而山棲或草耕而
僅飽或木茹而長飢注云北人無擇與舜爲友舜以天下讓
之無擇乃自投清冷之淵終身不反許由字武仲隱於沛澤
堯聞之乃致天下而讓焉由以爲汚臨池洗耳伯成子高唐
虞時爲諸侯至禹去而耕禹往見之則耕在野鮑焦衣木皮
食木實

遼霸陵山中

後漢韓康字伯休常采藥名山賣於長安市口不二價時有
女子從康買藥康守價不移女子怒曰公是韓伯休乃不二

傾乎康歎曰我本欲避名今小女子皆知有我焉何用藥爲
乃邀入霸陵山中

豈羨入帝王門

仲長統樂志論躊躇畦苑遊戲平林濯清水追涼風釣遊鯉
弋高鴻諷於舞雩之下詠歸高堂之上安神闔房思老氏之
玄虛呼吸精和求至人之彷彿與達者數子論道講書俯仰
二儀錯綜人物彈南風之雅操發清商之妙曲逍遙一世之
上睥睨天地之間不受當時之責永保性命之期如是則凌
霄漢出宇宙之外矣豈羨入帝王之門哉

七松處士

唐鄭薰既老號所居爲隱岩蒔松于庭號七松處士

竹溪六逸

唐李白與孔巢父韓準裴政張叔明陶沔居徂來山日沈飲

號竹溪六逸

蘇門生

魏志阮籍字嗣宗少時嘗遊蘇門山蘇門山有隱者莫知其姓名有竹簣數斛曰杵而已籍對之長嘯清韻響亮蘇門生亦嘯鸞鳳之音蘇門生即孫登也

碧山不負吾

杜栢李士茅屋詩碧山李士焚銀魚蘇註云張襄梁天監中不供李士職御史欲彈劾襄曰碧山不負吾乃焚章長嘯而去

逍遙谷

韋嗣立封逍遙公其隱谷曰逍遙谷

好解印安禪

王得至少室山寺受其蒲酒顧弟侍曰好解金印共此安禪

庶免榮華之累弟笑而不荅杜詩云誰能解金印蕭洒共安禪

漆園傲吏

選郭景純游仙詩漆園有傲吏註云莊周爲漆園吏楚威王聘而不應

萊氏逸妻

選郭景純游仙詩萊氏有逸妻註云萊子耕於蒙山之陽楚王駕至老萊之門曰守國之君願變先生萊曰諾妻曰妾之居亂世爲人所制能免於患立妾不能爲人所制者妾矣因而去萊乃隨而隱

隨駕隱士

唐盧藏用始隱山中時有意當世人目爲隨駕隱士晚乃徇權利務爲驕縱素節盡矣

終南仕官捷徑

唐司馬承禎嘗召至闕下將還山盧藏用指終南曰此中大
有嘉吏承禎徐曰以僕視之仕宦之捷徑耳藏用慙

一壑一丘

漢班氏叙傳云班嗣曰夫嚴子者絕聖弃智脩生保真漁釣
於一壑則万物不奸其志栖遲於一丘則天下不易其樂不
結聖人之網不襲驕君之餌嗚然肆志談者不得而名焉故
可貴也嚴子莊周也結与挂同襲古息子

清虛處士

青瑣高議云陳搏字圖南唐僖宗封爲清虛處士仍賜宮女
二人先生作詩曰雲爲肌跡玉爲腮深謝君王送到來處士
不生巫峽夢虛勞雲雨下陽臺五代時遊於華山多不出

真宗遣中使宣召先生爲奏謝曰數行紫詔徒煩彩鳳嚙來

一片閑心已被白雲留
住嘗作詩云華山高處是吾宮
出即凌空跨曉風
臺殿不將金鎖閉
來時自有白雲封

著閑居賦

唐楊瑒與章切伯父志操頌則簡未遇時著閑居賦自託常
曰得田十頃僮婢十人下有兄弟布粟之資上可供先公伏
臘足矣

四休居士

黃魯直詩序云太醫孫君昉字景初爲士大夫發藥多不受
謝自號四休居士山谷問其說四休笑曰龜茶淡飯飽即休
補破遮寒暖即休三平二滿過即休不貪不妬老即休山谷
曰此安樂法也夫少欲者不伐之家也知足者極樂之國也
四休家有二畝園花木鬱然客來煮茗傳酒談上都貴游人
間可喜事或茗寒酒冷賓主皆忘其居與予相望暇則步草

徑相尋故作小詩遺家僮歌之以侑酒茗

詩

山隨宴坐盡圖出水作夜窓風雨來莫將世事侵兩鬢
觀靜鎖靈臺山谷題致虛庵富貴何時潤髑髏守錢奴與
官囚太醫詎得人間病安樂延年萬事休山公出四休居士
滅性能安樂深居絕是非英雄行險道富貴隱危機紙夜如
綿軟藜羹勝肉肥蒼苔滿山徑最喜客來稀戴石屏歸郭道
人怕得公卿知姓名初舟棹月過吳城卧聽虛葉頭添白吟
到梅花語更清拋却石田甘遠客愛看山色每分程如何亦
肯敲寒屋松火煎茶共頻舉補希萬葉歌式之世事茫茫
事更無人爭我驚回門不管花開落遠俗唯通義往來
富貴莫爭不待先陰晴之老相健平生任達陶元亮二
神交共一經

戴石屏

續通志

贊哉二大夫

漢書廣為太傅蕭何子受為少傅朝廷以為榮在位五歲廣
為受曰吾聞知足不辱知止不殆功遂身退天之道也今仕
官至二千石官成名立如此不去懼有後悔豈如父子相隨
出閑居老故鄉以壽命終不亦善乎即日父子俱移病乞骸
骨公卿大夫故人邑子設祖道供張東都門外送者車數百
兩觀者皆曰賢哉二大夫祖道廣行也無居共反

無心圖富貴

北史楊素善屬文周武帝常令為詔下筆立成詞義兼美帝
嘉之謂曰善自勉勿憂不富貴素應聲曰但恐富貴來逼臣
臣無心圖富貴

挂鐵於樹

南史劉訐字彥度本州刺史張稷辟為主簿主者檄召訐乃
挂檄於樹而逃

非不愛作熱官

北史王晞字叔朗齊昭帝踐祚欲以晞為侍郎苦辭不受或
勸晞勿自踈晞曰我閱要人多矣充訕少時鮮不敗績人主
私恩何由可保萬一披猖求退無地非不愛作熱官但思之
爛熟耳

松菊主人

唐韋表微字子明授監察御史裏行不樂曰爵祿譬滋味也
人皆欲之吾年五十拭_鼻擣白冒游少年間取一班一級不
見其味將為松菊主人不愧陶淵明云

詩

靈鳳鳴朝陽神龍不泥蟠時芳不可為昌父乃在山思君二

世不見君良獨難時於邸報上屢見得祠官祠官祿不一二
貧其奈何采芝亦可食當作采芝歌近者李侍郎直言遭逐
去人皆笑其疎君獨有詩句君為山中人世事安得聞入山
恐未深更入幾重雲戴石屏寄趙昌父

漁釣類

耕巖之下

揚子谷口鄭子真不訖其志耕乎巖石之下名震京師

白魚不受釣

曾璘隱嵩山不仕傲曠鄉有大夫不康行惡一日見璘垂釣
問曰先生今日得多少魚璘曰此池淺無巨鱗有白魚一雙
長二三寸不受釣大夫沮而歸

獨爾絲為綸

列子曰魯何以獨爾絲為綸芒針為鉤荊條為竿荊拉為餌

引盈車之魚又後漢張衡傳詹何以沈鉤致精

得白魚腹中有書

陵陽子明好釣魚於淦溪得白魚腹中有書教子明服食之法遂上黃山採五朮石服之二年龍來迎去

垂綸者清

宋文帝嘗與群臣臨天泉池帝垂綸良久不獲王或越席曰臣以爲垂綸者清故不獲貪餌衆皆稱善

五十糖爲餌

莊子外物篇任公子爲大鉤巨緇五十糖以爲餌蹲乎會稽投竿東海旦旦而釣期年不得魚已而大魚食之牽巨鉤鎗沒而下驚揚而奮鬐白波若山海水震揚聲侔鬼神憚赫千里任公子得若魚離而腊之自制河以東蒼梧以北莫不厭若魚者

釣璜

任揚雄傳曰璜王也呂望釣於磻溪得璜焉刻曰姬受命呂
佐之報在齊

詩

萬事無心一釣竿三公不換此江山平生誤識劉文叔惹得
虛名滿世間戴石屏釣臺詩漁父飲不須錢柳枝斜貫錦鱗
鮮換酒却歸舫漁父醉釣竿閑柳下呼兒牢繫舫高眠風
月天漁父醒荻花洲三千六百釣魚釣從頭下復收漁
父笑笑何人古來豪傑盡成塵江山秋復春戴石屏漁父詞
七尺漁竿八十翁釣絲輕袅荻花風功名未遂英雄老人道
磻溪即箇中戴石屏周子益漁村詩休芳莫彈冠浴蘭莫振
衣處世忌太繁志人貴藏暉滄浪有釣客吾與尔同歸李白
參謁類

掃門求見

漢魏勃欲求見齊相曹參家貧無以自通乃常早起掃齊相
明舍人怪問之勃曰願見相君無因故為子掃於是舍人引
見參以勃為舍人

交臂來避風雨

漢朱博字子雍稍遷為功曹仇俠好交隨從士大夫不避風
雨時蕭育陳咸以公卿子著材知名博皆交之

為性命忍須臾

通鑑紀述以桓溫故朝中皆思事之謝安嘗與王坦之共詣
超日旰未得前坦之欲去安曰獨不能為性命忍須臾耶

閑看華山來

蘇言云平曾謁華州李相不遇吟曰老夫三日門前立珠簾
銀屏晝不開詩卷却拋書袋裏璧玉閑看華山來

名紙先生

韓愈云：蘭若風波諸所知，爲此謂所阻吟曰：萬卷書生劉魯，風煙波方里，謁文翁，燕錢乞與韓知客，名紙先生不爲通。

老吏慢寒儒

青瑣高議云：韓魏公知中山，李清臣謁見其姪吏，報曰：太祝方寢，清臣爲絕句曰：公子乘閑卧絳厨，白衣老吏慢寒儒。不知夢見周公否？曾說當年吐哺無。魏公見其詩曰：吾知此人久矣，竟有東床之選。

見汝輩平平耳

世說云：王右軍郝夫人謂二弟司空、中郎曰：王家見二謝傾，怪倒疑見汝輩，平平耳，無煩復往也。

奇男子願見將軍

韓王右軍書云：王適好讀書，適奇異，乳間金吾李將軍年

少喜士可撼乃請門告曰天下奇男子王適願見將軍白事
一見語合意往來門下奏爲其衛曹曹暴軍充引駕代判官
盡用其言

刺字漫裁

東漢橋衡字正平建安初來游許下始達潁川乃陰懷一刺
既而無所適至於刺字漫裁

千託類

燭分餘光

史甘茂避讒亡秦奔齊逢蘇代代爲齊使於秦茂曰臣得罪
於秦無所容迹聞貧人女與富人女會績貧女曰我亡以買
燭而子之燭有餘可分我餘光今臣困而君使秦茂之妻
曰願君以餘光振之代諾

安能看人眉睫

東坡先生字敬儒年十歲依季父居負備書且素時靡而季
冲當朝任事亮族兄光往依之謂亮曰安能久事筆硯而不
往托李氏也彼家饒書因可得季亮曰弟妹飢寒豈容獨飽
自可觀書公市安能看人眉睫乎光言之於冲冲召與語甚
奇之迎為館客

新詩上相公

青瑣高議云儒生張球上呂申公詩曰近日厨中之短供孩
兒啼哭飯羅空每因低語告兒道多有新詩上相公公見詩
甚悅因厚贈之

求知類

正吾黨龍巾物

喜元澹字行冲及進士第累迁通事舍人進仁陳器之堂
仁傑曰不之事上豈吾黨儲積以自資也脯腊臘膜以供

膳參朮之桂以防疾我門下充旨味者多矣願以小人備一藥石可乎仁傑笑曰君正玉璽藥籠中物不可一日無也腹中此功廣以朋友夾脊肉也龍力孔反

經品題作佳士

李白與韓荊州朝宗書今天下以君在爲文章之司命人物之權衡一經品題便作佳士而今君侯何惜惜前盈尺之地不使白揚眉吐氣傲昂青雲耶

借勢王公

韓與邢尚書書云布衣之士身居窮約不惜執於王公大人則無以成其志

高自稱譽

前東方朔傳武帝幸賢良文學材力之士朔上書高自稱上偉之令待詔公車

雲雨待雲興

魏愷傳愷自散騎常侍迁青州刺史固辭文宣大怒曰何物
漢子與官不就由是積年沉廢後遇惜於路自陳愷曰戚由
中有愷曰雖復雲雨自天然待雲興四岳惜欣然數日除霍
州刺史

知人類

知我者鮑子

史管仲曰生我者父母知我者鮑子也鮑叔既進管仲以身
下之天下多管仲之賢而多鮑叔能知人也

當爲南州冠冕

蜀志龐統字士元少時樸鈍未有識者潁川司馬徽清雅有
知人鑒統往見徽徽稱統當爲南州士之冠冕由是漸顯

知人之鑒

隋高孝基所舉杜如晦房元齡等後皆自致公輔論者謂其有知人之鑒

知人號席公

唐席豫字建侯典選六年拔寒遠士多至臺閣當時推知人號席公

願識韓類

願識韓荆州

李白與韓荆州朝宗書曰聞天下談士相聚而言曰生不用萬戶侯但願一識韓荆州何令人之景慕一至於此耶豈不以有周公之風躬吐握之事使海內豪俊奔走而歸之一登龍門則聲譽十倍所以龍盤鳳逸之士皆所收名定價於君侯君侯不以富貴而驕之寒賤而忽之則三千賓中有毛遂使白得穎脫而出即其人焉

如過泗洲不見大聖

本州劉安世在宋社門昇迹然田夫野老市井細民以謂道
南京不見劉待制如過泗洲不見大聖

慕蘭更名

司馬相如少名犬子慕蘭相如之爲人更名相如

今比擬類

以田舍兒比國士

北史高昂字敖曹神武初起兵范陽盧潛亦以勇力稱爲余
朱氏守薊神武厚礼召之以昂相擬曰宜來與從叔爲二曹
曹愔曰將田舍兒比國士遂率其徒自薊入海島

張華比子產

晉張華字茂先孝業優博饒藻溫麗武帝問漢宮室制度華
應對如流帝異之時人比之子產

比郭汾陽

唐裴度名震四夷其威奮德業比郭汾陽

與閼散爭烈

史太史公曰蕭何之勲爛然声施後世與閼夫散宜生等爭烈矣

可比相如

唐李白十歲通詩書蘇長史見白異之曰是子天才英特少益以李可比相如

有元齡猶鄧禹

唐房喬傳秦王曰漢光武得鄧禹門人益親令我有元齡猶禹也

錦繡萬花谷別集卷之十九

公才德類

中庸有胡公

後漢胡廣字伯始性溫柔謹素常遜言恭色達練事幹明辨
朝章雖無簪直之風屢有補闕之益京師諺曰萬事不理問
伯始天下中庸有胡公

弦鳴鴈落

石敏若曰元稹少年有材氣不畏強禦至於任重責大一有
所謀輒敗露為天下笑乃知統御藩鎮須吉甫黃裳次德裕
方可嗚呼德裕廟堂老手弦鳴鴈落刃往牛解而特言不答
投閑置散以致機會屢蹉累唐不遠耶

和均韶風

李白上李長史書君侯明奪秋月和均韶風掃塵辟場振發
文雅陸機作太康之傑士未可比肩曹植爲建安之雄才惟
堪捧駕

將相之器

後漢賈復字君文少好孝習尚書事舞陰李生李生奇之謂
門人曰賈君之容貌志氣如此而勤於孝將相之器也

珪璋之質

後漢郭林宗常謂劉儒只訥心辨有珪璋之質

人中麒麟

南史徐勉字修仁宗人孝嗣見之歎曰此所謂人中之麒麟
必能致千里王儉常目之曰此子非常器也每稱有宰輔之
量

抑郎可爲儀表

南史柳惲字文暢少有志行好孝善尺牘與謝朓鄒思深見
友爰謫曰宅南柳郎可爲儀表

警效爲鴻鍾響

北史崔陵字長儒趙郡李渾將聘梁名輩車萃詩酒正懽悽
後到一坐無復談話鄭伯猷嘆曰身長八尺面如刻畫磬欬
爲鴻鍾響骨中貯千卷書使人那得不畏服

三河領袖

北史裴駿字神駒河東人太祖親討蓋吳駿陳叙事宜帝大
悅謂崔浩曰裴駿有當世才忠義可嘉補中書博士治深器
駿目爲三河領袖

今日文宗

北史崔光本名孝伯字長仁遷給事中黃門侍郎甚爲孝文所
加待常曰孝伯才浩二如黃河東注固今日之文宗也

清水出壺

杜入奏行竇待御驥之子鳳之雛年未三十忠義俱骨鯁絕
代無烟如一段清水出萬壑置在迎風寒露之玉壺

水壺玉衡

杜寄裴施州詩郎廟之具裴施州宿昔一逢無此流金鍾大
鑪在東序水壺玉衡縣清秋

金天晶

杜贈鄭國公嚴武詩鄭公瑚璉器華岳金天晶昔在童子日
已聞老成名巍然大賢後復見秀骨清開口取將相小心事
交生閱書百紙尽落筆四座驚

竹潤蘭馨

杜喬陵呈縣官詩王劉美竹潤裴李春蘭馨鄭氏才振古啖
侯筆不停遣辭必中律利物常發硯綺繡相展轉琳瑯愈青瑩

琳琅照一門

杜送鮮于萬州遷巴川詩京兆先時傑琳琅照一門

一代偉人

魏鍾繇字元常遷太尉轉封平陽鄉侯時司徒華歆司空王朗並先朝名臣文帝罷朝謂左右曰此三六者一代之偉人也

南金

晉薛兼字令長少與紀瞻閔鴻顧榮賈植齊名號為五俊初入洛張華見而奇之曰此皆南金也

形貌類

禹跳湯偏

荀非相篇禹跳湯偏堯舜參牟子

濯濯如春柳

晉王恭字孝伯美姿儀人多愛悅或目之云濯濯如春月柳

嘗披鶴氅涉雪而行孟起窺見曰此真神仙中人也

眼若巖下電

晉王戎幼而穎悟神彩秀徹裴楷見而目之曰戎眼爛二若
岩下電

楊柳風流似張緒

南史劉俊猷蜀柳數株枝條甚長狀若絲縷齊武帝植於太
昌靈和殿前常賞玩咨嗟曰此楊柳風流可愛似張緒當年
時其見賞愛如此

藍田生玉

南史謝莊字希逸弘微之子也美容儀宋文帝見而異之曰
藍田生玉豈虛也哉

若玉山上行

李白上裴長史書伏惟君侯貴而且賢鷹揚虎視齒若編貝

唐如凝脂昭二乎若玉山上行朗然映人也

短李

唐史李紳字公垂爲人短小精悍於詩最有名時號短李元和初擢進士第

形不勝衣

南史徐摛字士秀晉安王綱出戍石頭武帝謂周捨曰爲我求一人文李俱長兼有行者欲令與晉安游處捨曰臣外弟徐摛形質陋小若不勝衣而堪此選帝曰必有仲宣之才亦不簡貌乃以摛爲侍讀

李諧善用三短

北史李諧字慶和爲人短小六指因襲而李願因跛而緩步因蹇而徐言人言李諧善用三短

玉人

晉衛玠摠角乘羊車入市見者以爲玉人時王敦鎮豫章長史謝鯤雖重玠相見欣然言論弥日敦謂鯤曰昔王輔嗣吐金声於中朝此子復玉振於江表微言之緒絕而復續

珠玉在瓦石間

晉王敦稱王衍處衆中如珠玉在瓦石間顧愷之作畫贊亦稱衍品一清峙壁立千仞其爲人所尚如此

玉山照人

晉裴楷風神高邁容儀俊爽時人謂之玉人又稱見叔則如近玉山照映人也

珠玉在側

晉衛玠字叔寶風神秀異王濟玠之舅也有風姿見玠歎曰珠玉在側竟我形穢

投菓擲犀

晉潘岳美姿儀少時常挾彈出洛陽道婦人遇之者皆連手
縈遶投之以果滿車而歸時張載甚醜每行小兒以瓦石擲
之委頓而反

名譽類

人中龍

晉朱繖字令艾少有遠操沉靖不與世交太守馬岌高尚之
士也具威儀造焉繖高樓重閣距而不見岌歎曰名可聞而
身不可見德可仰而形不可觀吾今而後知先生人中之龍
也銘詩于石壁曰丹崖百丈青壁万尋奇木蒼鬱蔚若鄧林
其人如玉維國之琛室迹人遐寔勞我心

登龍門

後漢李膺字元礼以聲名自高士有被其容接者名爲登龍
門

汝南月旦評

後漢許劭與從兄靖俱有高名好共覈論鄉黨人物每月輒更其品題故汝南俗有月旦評焉

得聲梁楚間

漢季布博曹丘生揖布曰楚人諺曰得黃金百斤不如得季布諾足下何以得此声於梁楚之間哉且僕與足下皆楚人使僕游揚足下名於天下顧不美乎布大說引爲上客厚送之布名所以益聞者曹丘生揚之也

暴公子威名

漢暴勝之爲直指使衣綉持斧威振州郡雋不疑盛感至門上謁曰竊伏海嶺聞暴公子威名舊矣今乃承顏接辭

兒童誦君實

東坡作溫公獨樂園詩兒童誦君實走卒識司馬

山人家傳

山人又繼往轍馬僕從塞閭里留遺少室山人常宿山南以諫官微不起事勸

小冠杜大冠杜

漢杜欽字子夏少好經書家富而目偏青陵杜欽與欽同姓字俱以材能稱京師故衣冠謂欽為首杜子夏以冠別欽惡以疾見詆乃為小冠高廣財二寸由是京師更謂欽為小冠杜子夏而鄴為大冠杜子夏云

好為後世名

晉杜預好為後世名實言高岸為谷深谷為陵刻石為一碑紀其墓顯續一沉萬山之下一立峴山之上曰焉知此後不為陵谷乎

蘭菊異芬

唐裴子餘事繼母以孝聞補鄆尉時同舍李朝隱程行誼以文法稱子餘以儒顯或問優劣於長史陳崇業荅曰蘭菊異芬胡有廢者

名播戎夷

唐馮定字介夫初源寂使新羅其國人傳定黑水碑畫鶴記韋休符使西蕃所館寫定商山記於屏其名播戎夷如此

志氣類

乘風破浪

南史宋宗慤叔父問所志慤曰願乘長風破万里浪

投筆

漢班超字仲升有大志家貧爲官傭書久勞苦嘗輟業投筆歎曰大丈夫無他志略猶當效傳介子張騫立功異域以取

封侯安能久事筆研間乎

地上之虎

北史高昂字敖曹神武以昂爲西南道大都督徑趨商洛昂度河祭河伯曰河伯水中之神高敖曹地上之虎行經君所故相沃酌

男兒當橫行天下

北史高昂字敖曹幼時便有壯氣膽力過人龍膺豹頸姿駉雄異父爲求嚴師令加捶撻昂不遵師訓專事馳騁每言男兒當橫行天下自取富貴誰能端坐讀書作老博士也其父以其昂藏敖曹故以名字之

勇辯美

家語致思篇孔子遊於農山子路子貢顏淵侍側孔子曰二三子各言尔志子路曰由願據地千里寧執銳臨衝由能之

子曰勇哉子貢曰願使齊魯合戰賜陳說其間推論利害釋
二國之患唯賜能之子曰辯哉顏回曰回願得明王聖主輔
相之數其五教導之以禮樂使千載無戰鬪之患由無所施
其勇賜無所用其辯矣夫子曰美哉德也

五鼎食五鼎烹

漢主父偃大臣皆畏其口賂遺累千金或說偃曰大橫偃曰
臣結髮游李四十餘年身不得遂親不以爲子昆弟不收賓
客弃我二院日久矣丈夫生不五鼎食死則五鼎烹吾日暮
故倒行逆施之

生封死廟

後漢梁竦曰大丈夫居世生當封侯死當廟食如其不然閑
居可以養志詩書足以自娛州郡之戕徒勞人耳

熱不息惡木陰

選猛虎行渴不飲盜泉水執不食惡木陰惡木豈無技志士多苦心

太山爲肉

曹子建與吳質書足下鷹揚其駉鳳觀虎視謂蕭曹不足儔衛霍不足侔也左顧右盼謂若無人豈非君子壯心哉過屠門而大嚼雖不得肉味貴且快意當斯之時顧羊太山以爲肉傾東海以爲酒伐雲夢之竹以爲笛斬泗濱之梓以爲箏食若填巨壑飲若灌漏卮其樂固難量矣大丈夫之樂哉少有宰相志

南史王儉字仲寶少有宰相志賦詩云稷契匡虞夏伊呂翼商周

題橋柱

成都記昇仙橋司馬相如初西去題柱曰不乘赤車駟馬不

過此橋果以專車至其處

燕雀安知鴻鵠

前漢陳勝少時與人傭耕輟耕之壟上悵然甚父曰苟富貴無相忘傭者笑曰若爲傭耕何富貴也勝太息曰嗟乎燕雀安知鴻鵠之志哉

安能久事筆硯

隋宇文慶少聰敏受業東觀頗涉經史既而謂人曰書足記姓名而已安能久事筆硯爲腐儒之事

丈夫當功濟四海

唐馬燧姿度魁傑與諸兄李輟策歎曰方天下有事丈夫當以功濟四海渠老一儒哉更李兵書戰策沈勇多算

飲私酒食牛肉

仇池筆記云吾觀杜默豪氣正似京東李究飲私酒食瘡死

牛肉醉飽後所發者作詩狂怪至厲人焉異秘矣若更求者
便作默矣

不乘使車不出關

後郭丹南陽穰人從師長安買符入函谷關嘆曰不乘使者
車終不出關更始二年徵爲諫議大夫持節使南陽安集受
降果乘高車出關如其志焉

度量類

容卿輩數百

晉周顗性寬裕王導甚重之嘗就顗膝拍其腹曰卿此中何
所有也荅曰此中空洞無物足容卿輩數百人導亦不以爲
忤

唾面自乾

唐婁師德字宗仁其弟守代州辭之官教之耐事弟曰人有

唾面潔之乃已師德曰未也潔之是違其怒正使自乾耳

含垢匿瑕

晉陳騫傳騫沈厚有智謀少有度量含垢匿瑕所在存績

忤已遜以免

婁師德傳師德沉深有度量人有忤已輒遜之以自免

莊重寡言

李栖筠傳栖筠有遠度莊重寡言

錦繡萬花谷別集卷之二十

孝類

孝馮家

唐馮宿父子華廬親墓有靈之白兔号孝馮家

獺銜魚至前

唐孝友傳序張士岩父病藥須鯉魚冬月冰合有獺銜魚至
前得以供父父遂愈母病癱士岩吮血父亡廬墓有虎狼依
之

願子孫若尔孝

唐崔潛曾祖母長孫春秋高無齒祖母唐事姑孝每旦乳姑
一日病召長幼言吾無以報婦願後子孫皆若尔孝世謂崔
氏昌大有所本云

賊不殺孝子

魏司馬芝字子華避亂荊州於魯陽山遇賊同行者皆弃老弱走芝獨坐守老母賊至以刃臨芝芝叩頭曰母老惟在諸君賊曰此孝子也殺之不義遂得免害

孝子練

唐韓思彥傳張僧徹廬墓三十年詔表其閭請思彥為頌餉練二百不受僧徹固請為受一匹命其家曰此孝子練不可輕用

狼蛇馴墓

唐程泰師母病十旬不褫帶藥不嘗不進母終負土築墳常有白狼黃蛇馴墓左每哭群鳥鳴翔

守節

不入勝母里

鄒陽書里名勝母曾子不入注云曾子至孝以勝母之名不
順故不入

墨子回車

同前書邑号朝歌墨子回車註云紂作朝歌之音朝歌者不
時也淮南子云墨子非樂不入朝歌

勁松方操

晋忠義贊重義輕生忘軀徇節勁松方操嚴霜比烈

不爲窮達易節

申屠剛傳不爲窮達易節

見于黎陽

唐李勣贊李勣之節見于黎陽故太宗勣三千託孤誠有爲
也惜夫不通學術昧夫臨大節不可奪之義

全節自高

白居易贊居易始以直道奮雖中被斥晚益不衰當宗閔時
權勢震赫終不附離為進取計全節自高

儉類

案上不過三杯

漢朱博為人廉儉不好酒色游宴自微賤至富貴食不重味
案上不過三杯夜寢早起妻希見其面

啖肉後何以繼

唐裴休字公美操守嚴正晝講經夜著書終年不出戶有饋
鹿者休不食曰蔬食猶不足今一啖肉後何以繼

受命飲水

類要葉公子高將使於齊曰吾子高出使朝受命而久飲水
我其內熱欤注曰所饌儉薄而內熱飲水者憂事之難禁食
之為

不治居室

唐李懷遠擢四科第累迁同平章事爵趙公父貴益素約不治居室

夫人自紡績

漢張安世尊爲公侯食邑萬戶然身衣弋綈夫人自紡績家童七百人皆有手技作事內治產業累積纖微是以能殖其貨

居無茵褥幃帟

唐岑文本自以興孤生居處卑室無茵褥幃帟

奉身止一布囊

唐盧懷慎清儉不營產服器無金玉文綺之飾雖貴而妻子猶寒飢所得祿賜於故人親戚無所計惜赴京都掌機奉身之具止一布囊門不施箔會風雨至率席自障日宴設食蒸

且兩器菜數杯而已

齒社十年一易

唐韓滉字太冲性節儉衣裘齒社十年一易甚暑不執扇居處陋薄取庇風雨

作陋室銘

唐崔沔字善冲儉約自持祿廩隨散宗族不治居宅嘗作陋室銘以見志

自樂類

短褐有狐貉之溫

列力命北宮子衣其短褐有狐貉之溫進其我叔有稻粱之味死其蓬室有廣廈之蔭棄其輶輅若文軒之飾終身道然不知榮辱之在彼也在我也

鼓琴足以自娛

莊讓王篇子謂顏回曰家貧居卑胡不仕乎對曰不願仕回有郭外之田五十畝足以給飢粥郭內之田十畝足以爲絲麻鼓琴足以自娛所孝夫子之道足以自樂也回不願仕

窮亦樂通亦樂

莊讓王篇古之得道者窮亦樂通亦樂非窮通也故許由娛於潁陽而共伯得乎丘首

以經籍娛

魏胡昭避地冀州太祖頻加礼辟昭往應命自陳求去乃轉居陸渾山中躬耕樂道以經籍自娛閭里敬而愛之

長樂老

五代馮道自号長樂老著書數百言陳已更事四姓及契丹所得階勳官爵以爲榮自謂孝於家忠於國爲子爲弟爲人臣爲夫爲父有子有孫時開一卷時飲一盃老而自樂蓋其

自述如此

詩

薄有田園百不憂詩書自樂更無求形容風月三千首笑傲
林泉四十秋不隨俗客老塵寰晚節道遙水石間獨佩藥
囊來澤國只留丹竈在梭山身如野鶴更無侶心似白雲長
是閑若見劉仙問消息幸分餘粒及衰顏謝无逸郭外生涯
少城中糴米歸種花無處賣挑菜入籃稀風撼傾欹屋寒生
藍綫衣此翁何新樂談笑傲輕肥戴石屏野老幽居處成吾
一首詩桑枝礙行路瓜蔓網踈籬牧去牛將犢人來犬護兒
生涯雖朴畧氣象自熙熙戴石屏山村

陰德類

治獄多陰德

漢于定国字曼倩子永始定国父子公門間懷父老方共治

之于公謂曰少高大令客駟馬高蓋車我治獄多陰德未嘗有所寬子孫必有興者至定國為丞相永為御史大夫封侯傳世云

後世必有興者

後漢鄧禹曰吾將百萬之眾未嘗妄殺一人後世必有興者見鄧皇后傳鄧氏自中興後累世寵貴凡侯者二十九人公二人大將軍以下十三人中二千石十四人列校二十二人州牧郡守四十八人其餘侍中將大夫郎謂者不可勝數見鄧騭傳

戒子孫輕法

後漢陳寵曾祖父咸性仁恕嘗戒子孫曰為人議法當依於輕雖有百金之利謹無與人重比

臨終焚奏藁

唐陸元方奉八科皆中每進退人才必先訪問臨終取奏墓
焚之曰吾陰德在人後常有興者諸士皆美才而象先景倩
景融知名

陰德及物前途萬里

接言云裴晉公質狀眇小有相者曰郎君飛神不入相書若
不至貴必當餓死今殊未有貴處一日遊香山寺有婦人致
一緹絹於僧伽欄楯祈祝擲筮瞻拜而去度見其所致收取
至暮婦人竟不至詰旦復携來向者婦人疾趨抚膺曰阿父
無罪被繫昨告人假得玉帶二犀帶一以貽津要不幸遺失
老父之禍無所逃矣度因授之婦人拜泣請留其一度許而
去後見相者曰必有陰德及物前途萬里非某知也度後果
位極人臣

揚善固且有後

前張安世傳以父任爲郎贊曰張湯推賢揚善固且有後
報德類

食馬

史記秦繆公亡善馬岐下野人共得而食之者三百餘人吏
逐得欲法之繆公曰君子不以畜產害人吾聞食善馬肉不
飲酒傷人乃皆賜酒而赦之三百人者聞秦擊晉皆求從從
而皆推鋒爭死以報食馬之德於是繆公虜晉君以歸

行觴

南史陰鏗字子堅初鏗與賓友宴飲見行觴者因回酒炙以
授之衆坐皆笑鏗曰吾儕終日酣飲而執爵者不知其味非
人情也及侯景之亂鏗當爲賊禽或救之獲免鏗問乃前所
行觴者

執炙

晉顧榮與同僚宴飲見執炙者狀兒不凡有欲炙之色榮割炙啗之坐客問其故榮曰豈有終日執之而不知其味乎及趙主倫敗榮時爲長史被誅而執炙者爲督軍救之得免

投金瀨水

吳越春秋伍子胥伐楚過漂陽瀨水之上而嘆曰吾嘗飢於此乞食而賴一婦人欲報之百金不知其家遂投金瀨水而去

蛇銜珠

漢鄒陽書註隨侯見大蛇傷者瘡而愈之蛇銜明珠以報其德

漆身吞炭

史豫讓傳讓漆身爲厲音賴吞炭爲啞爲智伯報讎以刺趙襄子襄子問曰子不尊事范中行氏乎智伯盡滅之而子不

爲報讎而反委質臣於智伯智伯亦已死矣而子獨何以爲之報讎之深也讓曰范中行氏以衆人遇我我改衆人報之智伯國士遇我我故國士報之

贈漂母千金

漢韓信淮陰人家貧常從人寄食至城下釣有一漂母哀之飯信留數十日信謝之曰吾必重報母母曰吾哀王孫而進食豈望報乎後信爲楚王都下邳召漂母贈與千金

一筍餌得都尉

後樊噲字仲華南陽新野人與光武少遊舊初光武徵時嘗以事拘於新野噲爲市吏餽餉一筍帝得之不忘仍賜噲御食及乘輿服物因戲之曰一筍餌得都尉如何噲頓首謝

別離類

陽關無故人

唐王維詩勸君更盡一杯酒西出陽關無故人
軍詩陽關已近天按唐志陽關在沙州壽昌縣西

淚如綫

杜醉歌人生會合不可常庭樹雞鳴淚如綫
註云張衡古別離曲雞鳴庭樹枝客子振衣起別淚落如綫相顧不能止

寒心酸鼻

杜贈別詩生離與死別自古鼻酸辛註云高唐賦孤子寡婦寒心酸鼻

食梅常苦酸

選東門行云一息不相知何況異鄉別遙
征駕遠香落日晚野風吹秋木行子心腸斷
食梅常苦酸衣葛常苦寒絲竹徒滿座憂人不解顏

南枝北風

選古詩行行重行行與君生別離相去萬餘里各在天一涯
道路阻且長會面安可知胡馬依北風越鳥巢南枝相去日
已遠衣帶日已緩浮雲蔽白日遊子不顧返

合歡被

選古詩客從遠方來遺我一端綺相去萬餘里故人心尚尔
文彩雙鴛鴦裁爲合歡被著以長相思緣以結不解以膠投
漆中誰能別離比

遊子何時還

江文通古別離詩葦葉深藏千里遊子何時還送君如昨日
前露已圓不惜惠草晚所悲道里寒君行在天涯妾身長別
離願一見顏色不異瓊樹枝

送君南浦

同前春草碧色春水綠波送君南浦傷如之何

五見櫻桃花

李白久別離云別來幾春未還家玉窗五見櫻桃花况有錦
字書開絨令人嗟至此腸斷彼心絕雲鬟綠鬢罷攬結

詩

野館攀春柳江村泊早花離腸過百結短髮欲双華楚水連
雲直吳山向海斜今朝送歸恨更竟在天涯還有抑枝能
送客而無桂樹解留人離腸并二隨征擢愁絕江南日暮春
並劉長卿萬里相看忘逆旅三声清淚落離觴朝雲往日攀
天夢夜雨何時對榻涼急雪春令相並影驚風鴻鴈不成行
歸舟天際常回首從此頻書慰斷腸世魯直殘紅換得綠陰
成隨分閑愁取次生雖信百年終有別未能一日便無情何
時岳色君同看後夜湘晴我獨行好在西園行樂處為誰依
舊月華明東洪送君南浦別如絲君向東周使我悲為報故

人憔悴，盡如今不似洛陽時。王維別緒悲風散，不收空波殘。
月入西樓，明日猿啼江上路。滿山眉黛爲誰愁？錢易水邊秋
草暮淒淒，二欲駐殘陽恨。馬蹄曾是管絃同。伴醉一聲歌，盡各
東西。通蝦山僧愛山出無期，俗士牽俗來何時。祝融峯下一
回首，只是此生長別離。韓愈別藍上人武昌江頭人送別楊
柳秋來不堪折，漢陽門外問南樓。昨日不知今日愁，英雄握
手新相識。人情政好成南北，酒闌人散最關情。一鴈西飛楚
天碧，戴石屏罪過送別南浦春波碧東都送客舫別君楊柳
外揮淚杏花前粉壁題詩句金釵當酒錢一聲離岸驚心碎
楚江邊戴石屏

念思感類

巴山落月

杜巴嶺谷社二見憶詩卧向巴山落月時兩鄉千里夢相思

又云江頭赤葉楓愁客離外黃花菊對誰

思君令人老

古詩思君令人老歲月忽已晚又杜九日寄岑參詩所向泥
活三思君令人瘦沉吟坐西窗飲食錯皆盡

軒車來何遲

選古詩千里遠結婚悠二隔山陂愁君令人老軒車來何遲
傷彼蕙蘭花含英揚光輝過時而不采將隨秋草萎

我所思兮

選四愁詩我所思兮在太山欲往從之梁父艱側身東望涕
霑翰又云我所思兮在桂林欲往從之湘水深側身南望涕
霑襟又云我所思兮在漢陽欲往從之隴阪長側身西望涕
霑裳又云我所思兮在鴈門欲往從之雪紛二側身北望涕
霑巾美人贈我錦綉段何以報之青玉案路遠莫致倚增歎

何爲懷憂心煩惋

日暮佳人未來

選休上人怨引詩西北秋風至楚客心悠哉日暮碧雲合佳
人殊未來又云相見巫山渚悵望陽雲臺膏妙絕沈燎綺席
生浮埃

卷帷望月

李白長相思云霜淒二簾色寒孤灯不明思欲絕卷帷望月
空長歎美人如花隔雲端上有青冥之高天下有綠水之波
瀾天長路遠魂飛苦夢魂不到關山難長相思摧心肝

橫波目爲淚泉

李白長相思歌昔時橫波目今爲流淚泉不信妾腸斷歸來
看取明鏡前

燕鵲越吟

史記陳軫曰昔越人莊舄在楚有頃而病楚人使人察其意
之所向聞其越吟知其思越也東坡次韻定國見寄詩云越
人知聽否誰念病莊舄

詩

夢覓他鄉枕寒生半夜余客程湖外遠秋意雨中深老馬尋
歸路羈鴉憶故林家書藏數紙難寫此時心 一簪華髮照
江湖家信不通雙鯉魚醉後有時忘客路夢中何夕不吾廬
戴石屏 白髮出門來三見梅花謝客路有歲年歸心無晝夜
同上

錦繡萬花谷別集卷之二十